

小木子詩三刻

壺山自吟藁卷中

秀水 朱休度 介裴

吳容寄示梅花詩三首遙次其韻

脩得幾生到相思一夜紛嗟飄荒服遠常歌妙香聞夢斷西  
湖去吟踪東閣分不催頭盡白拈筆欲何云

忽詠吳門調柳愁亂此辰却無堪寄物那春所思人海月銷  
香雪天風散玉塵江南料春減聞笛益悽神

一枝傳句好半樹會心知徃想踏殘雪閒還雕瘦詩竹君違  
舊伴鶴子怨今時短策孤山路及歸歸已遲

自題行看子有引

昨秋有畫士來謁請為寫照遂以意授之及寫成匪惟山水  
佈置鮮高雅即面目殊不肖雖然既畫矣不可以無詩也癸

丑春日病中悶甚戲題此篇聊以自解

邊士少文墨疇堪論畫學偶然狗客請寫此圖一幅左右頗  
相朔不類君面目君本五短軀周尺不滿六畫乃頽而長居  
然跨高躅君顏凍如梨君骨瘦如竹畫乃肥而暫居然少年  
逐鶴頸不可斷鳧頸不可續余顧左右咲咄哉却甚真東坡  
有妙語汝曹豈不聞論畫以形似見與兒童鄰世間孰是非  
孰美與孰惡手何如佛手脚何如驢腳我相衆生相本來無  
住著此圖縱未肖貌取亦約畧具體有五官尚非鑄成錯俯  
仰山水間寓意聊得託况我一蓋棺冥然無此身人亡年更  
易代遠蹟胥湮不見我見畫便如笑語親後世誰復辨謂非  
姓朱人

病久生蟻蝨相來清夜遙細尋衣絮捉頻把紫燈挑犢鼻經  
年臭雞皮逐日消爾肥我卻瘦底事不相饒

補邨過鐵索橋口占

雲搖風擺步虛來腳底桑乾吼作雷莫恠老翁腰足軟少年  
過岸面如灰

題大同田郎照二首

都忘磧白與沙黃畫出江亭逸趣長湘竹花欄太湖石樹根  
科坐碧陰涼

來往三雲三載餘道旁婦孺輒能呼玉河橋畔馬頭夢笑遍  
題襟白盡鬚

五月廿日同人遊雷公山祠

經始從元魏碑存皇慶年神依千歲窟靈聚一泓泉屋矮巖

風乍山幽稅暑便白頭偕素侶小憇亦前緣

度道峪

一徑盤偏曲雙崖影欲收巖懸龍女廟峪擁搶兒頭村名缺壁  
繡苔古通泉鳴玉流何當碕石畔安置小亭幽

夏日放衙無事屢至新築巽妙軒雜成四首

莫以沈淪悵各天荒陳自有一山川政寧用拙存吾道居可

偷閑遣俗緣兩面波光搖戶牖山東面水更廣六時山態換雲烟傍人

借問官何在綠樹陰中度小年

老去登壇久念灰興未開野尚心孩開野關北諺也思專一壑消閒暇

謀築三年費剪裁幸有痴兒勤作室好呼佳客暢浮杯此身

暫寓衰兼病如許風光醉幾回和以每日到山指授  
正務既成頗適觀也

齒齒雲根瑟瑟泉浴鳧拍拍驚娟媚波寒煙淡暮陰裏柳暗

花明夕照邊，寫此仙山無好手。美非吾土，且高眠杜陵江檻。  
新添處，只少浮槎替入船。

寬濼重開大圓鏡，新楣合署小方壺。水神受命靈如響，夏雨  
行苗潤似酥。拂拭山林，揩老眼，揣摩風月。撮吟鬢，道人勤溉  
階前樹，百歲成陰，自寸村余新樓四松於水神堂前

壺山作巽妙軒由

去城東南一里有小山，狀如壺環山，皆泉也。昔之人，以形  
名山，因以山名。名泉稱矣，泉之出，瀦為潭，疏為渠，層曲潏  
洄，以聚於山之東南。其水隆冬不冰，不垢不淨，照見白沙  
翠荇，皆空泉之上。雜樹數百章，夏陰鬱然，不受暑。美哉土  
脈生氣之靈，雖邊方瘠地，何勿鍾焉。山舊有水神堂，祀龍  
母，以禱雨。不知幾百年，又近人於山隅，甃碑作宰，堵波七

級實其中不可登也而自餘榛荒蔓結堆礫棄莛別無寸  
椽之覆片席之居足恣憇覽者乾隆五十年七月  
既望癸丑揆得歲干合時月干合日支合歲時支合月  
八神相喜而各有合用作吉乃審基面勢召匠僦以規屬  
李郭二生董其役畫考少庀決九旬而闢屋三楹洎山  
內外悉增新之巒容野色林影泉光盪胸溢目於是壺山  
長秀水朱休度徵諸昔夢自署曰吳妙軒既以名軒之故題  
額尾暇輒呼僚友泊縣之鄉老學官弟子或携兒聲和殺  
依童孫芋甲從辛風詠於此汲泉烹茗丁寧道者莫治卉  
木為點綴噫長矣無事事聊以自理自藏耳而每至山  
縣之人來觀者無小無大皆生歡喜心弟子請長記長謝  
未能也麓述厥由僦依書石用薦後人

題巽妙軒額尾

往余夢見此二字額不得其解久未忘也今壺山當城巽位而山之巽隅泉石尤清妙既於佳處作軒領其要因衆請名偶舉首夢論之衆僉曰宜乎一稱謂間其亦有數前定者耶乾隆歲在壬子冬日六十一翁朱休度識

六月三日重過寶峯寺二首

苦愛僧廬勞夢想更來佛地喜塵清松風松雨都宜聽山草山花莫認名樵語斧聲人不見染雲皴石畫難成何當凸塊凹坡上添置高低屋幾楹

殘幢遺字辨金源先建都無碑記存山裏如襟紅寺倚林圍似幄白雲屯畫涼不覺蠅逃席官冗何時鳥出樊定有恒僊

張果老月明騎鶴下天門

山脈自恒山發來



依兒次余韻疊以示之

縣僻城荒暑已輕，人來物外氣彌清。  
老猶思熱妨鞞帽，狂欲逃禪變姓名。  
定裏波濤半空作，雲中鱗甲百年成。  
夜深夢上

萬松嶺，忽地醒來月滿楹。

寺外滿山皆松故云

徑欲曹溪問法源，清齋滋味淡中存。  
是日持齋吾衰詩對文壇怯，汝

少才虧武庫屯。聊借後游弄風月，幾時歸隱結邱樊。  
多情禪客馬頭送，回首煙霞鎖寺門。

祝尉移席巽妙軒祝越人

君自千巖萬壑來，何緣尚愛小林隈。  
獸尋關外山山陋，禽賞邱隅面面開。  
潭底雲天足光景，席間鷗鷺忘驚猜。  
倒冠落佩從人笑，呼取鄰叢盡醉回。

山軒詠雨

隱隱雷初動，疎疎雨到前。迷空三里霧，歇樹半湖煙。絲擘斗  
毛細，漚分魚眼圓。頓收炎氣盡，衣冷欲裝綿。

自斷

自斷才疎爲政拙，推擠不去置閒宮。農忙停訟呼無吏，公暇  
吟詩和有兒。聊借文書遮眼過，敢辭筋力折腰悲。秋登且戀  
他鄉住，官罷還防樂歲飢。

送幕客左君還桐城二首

故家傳駿烈，涼澤到文孫。

若為忠毅公族孫

向我傾懷抱，逢人寡笑言。

淹回三歲久，棲息一枝存。忽送江南去，離情黯酒樽。

山別龍眠遠，風愁鴈塞寒。最憐垂橐短，且保挂帆安。北溟人  
初返，南國花未殘。一池春草碧，好覓舊漁竿。

六月望夜值賽期兒輩於巽妙軒前作船燈為戲觀者

君家有南園園有池君兄弟讀書處也

如雲

壺天新築水軒涼。燈月交輝。暑夜長。窓拓梁間。亂波影。擢開船底。散星光。聊娛老眼。從兒戲。久脫官儀。與物忘羸。得驂男痴女集。薰薰賽鼓。喜年穰。

又一首示友

山輝新洗月輝涼。一樣林泉。別樣光。碧水照人。憑畫檻。綠楊夾馬。送紅粧。花燈影。撒星零。亂夜笛聲微。風遠揚。迹莫紛紛。散游隊。與君撲被宿僧房。

十七夜昇妙軒對月

鐙收人散後。貪月尚開軒。星淡千巖曉。山空一壑尊。池翻林影直。風撼水光繁。絕似秋容老。全消暑氣溫。

集杜題昇妙軒壁十首

其一用進退格限於韻也

新作湖邊宅雲山湧坐隅清琴將暇日高枕乃吾廬  
啗雀爭枝墜春鷗洗翅呼未因乘興去何處狎樵漁

蕭蕭古塞冷忽已歲時遷未負幽棲志添予別興  
牽喜無多屋宇自有一山川置酒高林下溪風爲颯然

登臨多物色踈快頗宜人老罷休無賴它山自有春  
郊靡存晚計良會惜芳晨賓客滿堂上知余懶是真

孤月當樓滿天虛風物清一邱藏曲折萬里倚檐楹  
秋水清無底斷雲踈復行老夫如有此寂寞養殘生

吾衰同泛梗養拙更何鄉此地生涯晚無人碧草  
芳高歌激宇宙白日到羲皇遠水無天淨扁舟意不  
忘

畏人成小築可以賦新詩水淨樓陰直沙暄日色遲  
鶯花隨世界潤色靜書帷到此應常宿江湖興頗隨

五六適得雙聲兩應却使字面犯複惜也

野寺垂楊裏朱樓白水邊  
碾渦深沒馬森木亂鳴蟬  
稠疊多幽事登臨意惺然  
涼風起天末衣冷欲裝綿

翠屏宜晚對碧色動柴門  
豈異神僊宅不知城市喧  
衰顏聊自哂世事與誰論  
採藥吾將老讀書秋樹根

去郭軒楹敞風涼出舞雩  
冰壺動瑤碧空翠撲肌膚  
落景陰猶合徐行且自娛  
平生耽勝事似欲慰窮途

為郎從白首猶作一飄蓬  
興與煙霞會人今出處同  
無才逐仙隱憂國願年豐  
淺把消涓酒乾坤醉眼中

季夏重過知樂軒賦呈正夫刺史二首

勝地杯棹把幽齋暑盡消  
宿陰濃掩閣新碧漲平橋  
水影浮圖倒風光暎晚超

池南直元教寺之塔軒真城有閣可登

恒山千巖翠一片夕陽搖

今時黃憲妙衆母國僑如挹量  
汪汪水忘裛潑潑魚久交形

每畧既醉禮尤踈預恐天涯別明年歎素居

荆史實深  
行將擢去

觀黃正夫所購宋榻聖教序冊

君家東觀持論公右軍劇蹟萃其中明珠仙露看不定跳龍  
卧虎將無同一自佛頭摹屢失祇今院體習誰工儼山叔弄  
香光跋獨異人間鐵石充

有董跋二云是  
陸文裕藏本

正夫集古語為余書聯

養心莫善於寡欲為政不在乎多言非是潁川漢循吏誰書  
古訓榜吾軒

種梅自江右郵示近游集喜題十六韻却寄

自愧潘懷令遙憐東廣微一囊新句富萬里故人違忽地通  
牋帖登時慰渴飢氣清江水吸情逸塞雲飛濃郁書香染雕  
鏤玉屑霏價雁連紙貴客想對毫揮老境寧枯淡和聲絕怨

誹交貧童穉習別久夢魂依我病槁如木君詩圓似瓊吟工  
輪腹笥政拙獸心機荒俗風斯下古音好者希誰能使袪式  
獨自愛芳菲十室凋花縣五湖冷石何年辭吏舍相與掩  
農扉秋港又魚美春園劇笥肥只愁驚見面聲是貌全非

頻年安女希姪廉兒暨曹甥鄰初吳表姪榕園子修宗  
姪雲陸各以詩札寄問且屢請益老夫憊矣心緒煩  
懊手不仁又不能作字概乎未有答也今人歸聊用  
鄰初見寄韻漫成四首雖不盡惓惓俾女若兒與諸  
羣從同覽觀之卽萬里如見老夫面云耳

一度人來一愴然鴈南雁北自年年驕兒苦訴米鹽罄病女  
常嗟藥物牽楊柳風悲仍塞外芝蘭香遠失階前婿才可  
微雲向宵寄哀翁到酒邊

窓聲颯颯野風秋  
秋樹凋疎月淡幽  
只益新悲教送老  
堪商舊學竟無傳  
數杯酌酌山公酒  
一領蒙茸晏子裘  
拈筆心慵手雙戰  
故園詩札幾曾酬

但解詩材有別腸  
莫教懈退莫教忙  
氣非遠俗人猶愛  
法不孤生學可荒  
轉語試參禪有味  
多師能得益無方  
家雞野鷲休爭笑  
黃鸝心遊千仞翔

萬事乘除驗復隍  
由來欵器只平量  
道人觀化守其黑  
君子含章中自黃  
擬求珠探海入文  
看舒錦曳風長老  
夫筆退詩情劣願  
與諸郎仔細商

秋早同人餞客昇妙軒遂坐及晚

一盃軟酒曉風平  
小憩山齋空復情  
馬勒不牽流水住  
柳絲何力挽人行  
未妨賓去蒸聲續  
忽覺眠餘搶影橫  
竟日淹留



數烹茗戀容波色染衣清

飲水軒偶得二絕

淺灘花鴨和羣眠  
深林鷓鴣啼晚烟  
一陣盲風盲雨了  
平湖開出卵青天

未知天暮背涼生  
叔拾棊枰呼酒鐺  
酒醉面溫來潁水  
冰心一鏡照人明

止田家作

圓頭饅起雪膚光  
小米糕如粟色黃  
綠豆莢肥烹帶露  
白蘆菔脆爵生漿  
田家真率素風好  
茅舍清秋華月涼  
捫腹不愁消不得  
老貪一枕黑甜鄉

晚軒效長慶體二首

雨散虹收日露時  
微涼襲戶晚風吹  
樹何拂意仍搔首  
山已

忘愁早豁眉小憇秋亭堪燕爽寄聲宋玉未須悲

宋表絮齋有燕爽亭記

滿背殘陽牛過水一聲輕欵鳥登城鳴知上岸投關去馬苦  
思羣帶勒鳴獨有主翁催不起肘人坐待月華生

寄懷里中諸君子各一首

金樊圃廣文學起

記同癸酉上公車涼矢光陰卅載餘齒宿坐深鄉黨敬心閒  
看破利名虛枕僵李代官何戀鶴瘦松清意卻舒那便抽簪  
來問字商量更學養生書

金文司解裝水時值大計上官欲初其副誤填丈名丈默然以去

陸柳塘通守昌祖

海南報氣又滇南到處泉名盡改貪卻悟浮浮知退早豈辭  
荼苦食負甘先生好好莫能逸薄夫驚覺自慙

唐陸宰大埔揭陽通海以廉薦

權順天通判未久引歸掌教里中

門後門前春水夢一灣楊柳綠初酣

合後與君居對門隔一水地名楊柳灣

金選青明經元標

詩書麴蘖別無營，點墨研朱老筆耕。偏怪天窮鄧伯道，肯隨人笑李臺卿。秋風雁塞孤長夢，舊雨雞臙共短檠。辛苦誦經細箋說遺編，誰託負平生。君曾舍館，余家二井。

曹種梅明經秉鈞

非關妍媸情，偏厚常愛詩。書氣最華代，子國來羈宦。遠滕王閣去，旅愁賒銷殘。湖上煙波夢，閒煞雲中早晚。衙舊札，隔年時一檢。秋風雙淚落，邊笳君籍姑湖上，數鮮聞。余每至必宿焉，自戊申君客江西，已酒余謂從來此，迄今別不載矣。

錢百泉檢討世錫

侍郎風雅振今斯，接石先生絕學承家大。出竒中秘閣，書讓人讀小。斜川派足吾師少，相攻錯千古許。老剗肝腸萬里知，未死歸須勤見。面梓廬茶盞，葯房庖。君家有老書屋，曰藥房。先太史竹垞公所題額。

蔣春雨明經元龍

吾愛瓶山小隱癡耽書忘却滿頭絲期期口語便便腹炯炯  
心光纚纚詩人隔五湖三徑面夢添萬里九秋思一燈如豆

含幽慢想見孤吟拄頰時

若居瓶山下有舊句云破故紙中尋獨活一燈  
如豆笑空青乃病中夜讀本草經疏戲作也

曲水莊圖三十詠有序

莊在無何有之鄉小木子意匠所構也小木子既倦遊夢裴  
島之煙波憶范湖之松菊齋居偶影深眷首禾則有故國近  
郭枉渚回溪平林膏壤水絡村以延秀戶弭楫而通幽在阿  
在陸洵乃人境無喧結廬其間者稻蟹生涯蘼鹽老味往往  
甘焉於是積思生境積境生名名命而圖以衍之圖成而詩  
以落之詎足比少文卧遊長統樂志神亦循虛器而玩空言  
未免為士衡所嗤云爾

臺上自吟真卷中

十

水南北戶

戶臨水有橋直戶從水北度橋入

一曲溪烟一曲村綠遮紅映到柴門岸容如拭波如冶小立橋亭已斷魂

進艇渠

渠左有廊廊下踏水磴行右有軒標此觀

窄渠一帶色如醅東檻西廊並水開此處有人方濯足滯撐小艇進園來

可亭

由渠廊繞而入

青粉牆兜紫竹林石欄一面俯清深林中不着纖塵汚小小可亭洗我心

復臺

由臺背曲徑壘石致

重屋為臺出竹梢近巒遠水幾重包徑須出入愁過客欲喚園丁仔細教

籜塢

在竹邐之腋有曲尺水拖馬

穿籜五折更迴身一鴉真依寂寞濱  
誰道竹深可留客秋風吹籜籜成茵

未濟亭

在榆樹灣大巨竹叢中

前路依稀入洞庭叢叢圍住萬竿青  
石梁欲渡無緣渡半晌裴裏未濟亭

洞庭謂南北港石梁即斜橋也亭外隔竹皆可窺

為山堂

堂不見水惟見山故名山徑陂陀間散置羣卉木富甚

澤國無端起石林為山譬學積來深  
世人莫笑愚公拙九仞端由一篲尋

小木盒

在堂後之左

喬木陰中小木盒主人趺坐把禪參  
尋常有客來方外隨意庵前捫蝨談

髻閣

堂前西上在谷顛

一角西山置屋牢以形名屋髻高高空靈岑小偏多見隔壁

梅花隔岸桃

東瞰小羅浮村南臨半塘既栽碧桃三十丈

頽頽谷

在髻閣底出谷即澗

常咲頽頽仰面難今朝探谷不妨冠休嫌谷底幽如隨關入  
水晶宮殿窈

學仙樓

直堂南負山絕澗三而水也樓無梯從山梁入

瞥眼玻璃大鏡圓鏡輝上照碧虛天獨來獨往無人夜此地  
祇應學水仙

青萍檻

即樓下也從出東南轉入

花柳鋪堤鋪水栽鳧眠鷗浴不相猜裏湖外湖晴雨色都到  
青萍檻上來

南澹在半塘南

灣灣南澹半規形秋淨天空夜照星剛值月明初八九夢涼  
忽到廣寒庭

北澹在半塘北

北澹橫澗波漫漫荷花種出大如盤更好區分兩澹水種澹  
種芡種蓴寬

榆樹灣在未濟亭右過灣始出橋

大榆卧水竹遮橋壁斷風生薜荔搖幽絕一灣油綠色暑天  
常泊小漁船

斜橋在北澹西北隅澹水歸馬

斜橋南去草如袍側對板罾亭子高却顧橋陰榆樹北溪深  
竹密水風聽



半塘界兩港

全湖不碍半塘橫竹杖芒鞋步步清  
笑說南池灣似泮春風桃李最關情

泮泮水也塘以  
南泮形故名

月下板層亭子

時半塘稍偏右

堤上虹橋橋上亭挂層橋下伺魚聽月明  
唱起山歌調一雙白魚跳出萍

初日曉風最多處

南港西岸東向軒也

曉風楊柳萬絲斜初日芙蓉萬片霞  
既人世清華消受盡桃源何必問仙家

西港之岸  
植此二種

樹葉打頭軒

在北港東岸西向軒背小耳雜樹掩之

何物打頭葉最輕西風陡起使人驚  
勸君得過且須過世上風波心上平

小羅浮村

在園東偏前抵北澗村中樹身廊壓亭橫地以石者皆板惟兩三柏離立其上

豈容他樹種梅菴雪海中間柏兩三詠到燒香山谷偈深禪  
相對欲同來

欠伸學舍

在堂左宦巢下也

銅匱石硯稱精廬只是先生懶讀書閒愛清談見滋味學徒  
請退未容渠

宦巢

巢以方名

牕紗淺放綵深鋪茶碾香清足自娛將比白家新紙閣未知  
可着盃光無

閣閣蛙聲

閣屬巢後北向臨水

水園寬廣屋深藏小閣纔容八尺牀賸有私蛙入私聽逢人  
休道北牕涼

前隩

兩隩本一屋所分斷以榱榭後宮異之角懸將榭入於榭下出者為前隩

隩中無路可相尋聞道梯懸複壁陰縱欲避喧何太甚主人  
多病畏風深

後隩

後隩下夾室之版隱入榱背作曲巷再轉而出為後隩

如繭截身非過謀也因性褊合棲幽苔階怕教人輕踏書櫃  
免令客亂抽

繫牛棚

園東南隅有稻田若夏旱則使牛盤水車灌之故棚設焉

水車之碓犖犖轉水車之盤團團尋我田無多牛易力搭棚  
蓋汝楊柳陰

桑徑

凡柳行外有隙地桑與柘間種焉專稱桑舉重也

桑葉綠肥今朝雨柏葉紅鮮昨夜霜收柘子時隨便將採桑  
辛苦煞蠶娘

寺西閘

園在鄰寺閘在半塘東盡處寺墻下水入南溪

與僧分水水溶溶寺影林光盡我供甯愛圓水東塔斜陽  
挂出小雷峯

寺有塔當北港東

由閘

在園西北隅並戶右即渠是水所由出

清流吐閘碧舒舒曲水莊園一尾閘借取揚州名莫笑人須  
由戶水由渠

甲寅春仲道中作

去臘病深幾廢食今春營暖勉加餐赴公行役寧辭瘁放眼  
山川且覺寬二月中和人意泰數家烟樹鳥聲歡天涯次第  
風光好苟活何須定挂冠

途次望清涼山口占

千里惡池抱五臺西流南上又東迴臺懷未到吾能說天上

牽牛入首來

將次代州逢雪

二月滹沱岸西風獵獵斜春陰山阻幕晚雪樹裝花野潤農  
生喜裏寒客漫嗟只添雙鬢白江國夢猶賒

得韓城公書感賦

論道久推今相國遺書偏念老門生虛蒙誇項達人說徒繫  
感劉知己情粥粥鮮能學難割磳磳小見恥蠅營四方幸仗  
調元力聊共邊氓唱太平

在署五年始見燕來巢用老杜舟中作韻

一回相見五回春土屋低簷社雨新伊昔湖南嘗識主如今  
塞北遠看人小雛待接更番食老子難抽輕便身來歲故園  
仍貯汝烏衣巷口岸烏巾

今年春及夏不雨每三六九集村民各迎龍神號呼行  
雨動以四五十處余既一一虔禮而慰以去屢問卜無  
雨象五月八日甲午芒種事急矣余乃率僚庶蒲伏  
更禱於恒嶽行祠越三宿丙申雨自子及辰霖霖方  
甚忽益之以雪紛紛迄午乃霽晚登城四眺山山白  
矣詢之衆一老云五月雪易化化時其膏不涼山坡  
苗得滋受却勝於驟雨之速瀉也喜用東坡聚星堂  
韻賦一篇紀之

今年芒種無苗葉意氣號空沙簸雪打籬播鼓迎龍公千村  
喊雨聲愁絕為民請命職應爾鞠躬禮禱腰從折率衆籲天  
天不應夜夜眼穿雲變滅陽亢陰生疑必戰雷興電作光先  
掣乍喜五更雨釀膏忽驚六出花飄纈維嶽降神惠我民遠

滕雨珠兩玉屑炎風翔雪轉時間浩歎死生駒影瞥始知夏  
蟲可語冰造化幻奇非一說明日雪消趕種秋典門爭贖鋤  
豆鐵冬春間農人多以鐵質錢比種時乃贖之

墨前韻

蓀雲綴花滿林葉一驚一喜五月雪北方元武幽都神元牝  
之門陰凝絕物窮則變變則通錮陰一洩驕陽折不勞東海  
鞭魚龍順時調化自興滅既雪回晴土脈蒸三宵五宿禾苗  
掣雨白更番潤似酥壬寅於外連雨農者大快山青片段紋生纈少種粟來  
多種黍秋麥秋蕎兼瓊屑農侯粟先黍後尚恐種遲收不早秋分前後  
霜飄瞥終祈神惠保年豐婦子免飢將餽說老夫冬寒偎土  
炕肚飽不怕衾眠鐵

秋滕寄示銷寒集有縣齋詠物四首課依兒同和之

棉懔

箔疎愁歲晚，帘重壓風寒。閉學蟲坏戶，披教人礙冠。香留書屋滿，暖護酒杯寬。未敢侵晨捲，呼兒問雪殘。

同作

聲依

北地冬難禦，南榮用急需。辟寒同鳥骨，增暖勝鰕鬚。能處炎涼界，還憑厚重軀。祇愁明月隔，未得照冰隅。

煖鍋

中虛離瓦象，腹滿鼎同烹。好貯通紅火，寧調骨董羹。懋貪休染指，養老覺溫營。留客還添饌，無愁轉釜聲。

同作

聲依

非釜中堪爨，調羹置器新。好圓蓋似壁，形壯腹如囤。熟食欣從便，吹壺定誤人。三冬常佐酒，四座欲回春。



火箸

製豈嵇康鍛名標陸羽經香爐添火活茶竈撒烟青畫處灰  
成字按時烈散星旁人疑附熱終不鏤原形

同作

聲依

也自同眠起錚錚更出奇交箝方燭剪閒插並灰匙火烈  
寧終屈歲寒得共持性剛能制物人不以貪疑

炎硯

一片雲根冷誰為煖匣裝化裁成巧製水火各分房烘處冰  
池釋蒸來墨瀋香邊寒非此具吟雪筆先僵

同作

聲依

牕寒愁墨凍灸具製何精水火交烘托煙雲任草行春回  
硯田潤煖入筆花生九夏書揮汗休同棄短檠

塞外無人誦唱就兒輩詩稍有取者輒潤其字句而錄附之非謂其便知此事也梓廬書

暑牕少事既和友人銷寒四詠因復追和曝書亭集先太史與初白水村兩先生聯句十題深愧體物未工庶幾當夏言夏免於失時之誚也

撥鞞

撥鞞當暑着軟脚喜輕擡細結胡耕眼豎勝楚葛材娟娟同素鞞緩緩步青苔深擁何時脫閑拖上釣臺

藤枕

柳絮裝來熱藤花織就妍詎貪交頸好聊替曲肱便髻汗侵微滑腮紋印帶偏庸夫但高枕不羨夢游仙

柳絮枕出鞞耕綠庸夫高枕用揚子語

竹簟

一片琉璃滑南鄉三伏宜澤生摩背處涼覺拊肩時董賤寧  
升榻蒲寒未透肌居邊秋露早且可卷箴之

劉綢新論不以秋  
露洒葉而制箴者

### 風燈

宵行須秉燭夜坐未愁風糊紙籠虛白綉紗護小紅還輸雲  
母扇新結水晶宮幸少秋蟲障長明顧兔中

俗稱天皮產寒外甚廣  
明如玻璃蓋即雲母也

不數風燈最佳此間風土乾  
涼夜坐無蚊蠅飛撲可喜

### 響竹

惡蠅偏遽集執塵亦難驅聆響轟先遁就擒快得誅專憑持  
老節直欲傲貪夫始悟腥羶地此君不可無

### 冷布

莫笑稀疎甚半惚暑氣通虛張全見月多孔細收風詎許營  
蠅入差勝暗繭蒙物微猶有幅聊可戒炎中

油紙扇

煎油濃醮紙削竹勁通中  
摺疊收囊便描摹著畫工  
魚能行蓋雨非獨坐生風  
但釋元規恨同塵一世空

瓦歎壺

細噴泉響續分洒雨絲斜  
但責山僮約寧輸老圃家  
器愁井上破功倍漢陰賒  
吏隱吾兼矣須澆一縣花

涼篷

巧繫長繩脚高張列屋除  
暑聽船背雨秋讀樹根書  
承蔭何清快知機可卷舒  
便為深夜飲未覺露沾裾

竹簾

隱隱能遮暑踈疎不礙空  
節消猶直外光透尚虛中  
磚影璽瓏月鉤聲淡蕩風  
秋螢看巧入愁煞杜陵翁

余老滯邊方每三復少陵滄江白髮之句也

夏仲過弭妙軒二首

政閒分半日遊近得同人薄暑壺中隱幽光鏡裏新經年成  
小築偶住亦前因老怕歡娛短何妨數問津

柳影交槐檜聲落檻虛貯雲眠仰枕掬水起湔裾村暮人  
呼鴨沙閒鶴向魚耽幽不知返催騎且徐徐

六月十一日小暑

小暑一聲雷農苗得雨催衫寒收白苧硯潤轉黃梅

故鄉有小暑一聲雷

翻轉做黃梅之語

天遣清涼福地空疎懶才翻愁歸去日南國火雲堆

杭州嚴無救前輩詩思幽峭雖乏全篇其佳向往往生  
新句借蕞橐摘出若干聯久而遺矣頃檢故篋得之

喜題一絕

一紙抄殘數十年重吟佳句妙參禪故應詩骨如梅瘦定是

前生賈浪仙

無敵五言有西漢看梅云呼酒白雲醉談禪流水長又贈友云醉我那因酒  
憐君豈特才又愁心如敗絮瘦骨並枯梅又衰柳含烟薄枯梅挂月偏又  
鄰雖不肖叫屋最苦相纏又綠樹低圍塵時山遠起人又樓臺靜人寓山宜慧眼看又欲動萬無酒  
為憐秋有吟又更衆人似月可奈樹僧秋七言有溪梅云獨立冰雪者誰子映水縹緲之仙人又歸  
負得句偏成趣快病狂花詔是癡人春光自古看人老花事過君莫感忙又閉戶徒教生計拙讀書  
獨坐古公身又難與人言應可想其行戒法復何疑又俗物如古漬法却對酌似水且陶然又打鴨場  
前安樂詩釣魚竿上挂詩筒又翻文似搜飢許借村家  
賣酒久仍沽入不楚無計常留客乘興呼兒一賞花

壺中篇

巖風披襟午雨涼仙家養日壺中長天許閒人作醉場近郭  
只赤堪常羊蟻蝻塞寒冬澤浹掘穴狹廬人蟄藏春風擺條  
滔滔起關共有四十九  
日擺條風聲謗可憐簸土眯眼黃曾無甲宅抽寸芒好時好  
節歲中少惟夏曠曠民氣昌部婁之腹空中央涿泉感沸成  
汪汪直疑萬古仇池穴潛通小有天放光又疑瀉語么小國  
飛來此土後海洋此土女憧而男慙似大蒙人信有常慚余  
為政弛不張遇民如兒吏如伴手攢疾蠹其敢忘百茲親鄴

辛無康不聞唳叩歌年穰乃得捐搖水一方諺源而來民偕  
臧但吹竽兮氏撒竅雖不中聽聊宮商為神報賽神惠彰年  
年六月十三市前于後喁爭褰裳劫余乾多皮肉僵咽如雞  
胡食祝鞫又苦跋盪湏扶將惟有壺中樂莫樂逐羣兒戲麋  
雙揚鼓腋而关关雲忙鼓跌而眠眠草芳卧倨倨予行蹟蹟  
洵乃大適非陽狂憶昨經始煩料量鬚茅覆匱經集霜塢今  
亭亭軒翼翼宛納虛白撐空蒼綠陰如幕波如治翺禽浴鳥  
紛林塘要當舞輯待湏慮更憑排闥捐清防山居室志劉孝  
標水亭欲買蘇滄浪人生眊眊湏搖耳尊滿月滿乘辰良莫  
教一昔哉生霸嫦娥醮頰壺天荒時值望夜

宿山

開野傾壺了散羣歇板初夕陽人影亂新月海光虛坐伴宿

林鳥卧聞跳水魚空山亦何戀暫寄即吾廬

古人河則稱河海則稱海不相通也漢世多假

借為稱南方凡流水通呼為河北方凡瀦水通呼為海蓋北地少水故稱之也蓋山泉潭不一俗有大海小海之稱

### 再宿山微明而起二首

城市非無月壺中特地清幽禽深樹夢獨犬隔溪聲柳影和  
堤黑潭光闕戶明頗疑來鬼物暮響小童驚  
客睡雞初唱人興鳥未知山容殘夢後花態欠醒時搶角浮  
紅早谷陰生白遲誰家先放鴨幾道水痕移

寄題龍谿黃氏璞園學舍園在黃石齋先生鄴山書院  
之旁

有明熹廟壬戌科先公典試人材多漳浦黃公出門下匣開  
虹見騰太阿濟南碩果讀書種凜凜氣節堅不磨傳道鄴山  
講學處堂三亭五流絃歌百年舊基廢復舉先型遺愛神人



呵乃有江夏令兄弟聞風興起勤規摩增置園亭作學舍分  
 巖絕壑依陂陀茲山奇麗富景色背負峰面橫江波朱明洞  
 開返照入赤城標建晴霞施原記云山多類石翠疊紅稠錦繡谷武夷九  
 曲無或過嗚呼黃公生逢百六運不廢禮樂因干戈三易羣  
 經有述作疏說貫串祛其訛况今清晏尚儒術禮門義路平  
 不頗後生游談但束閣誰溯後海窮先河璞園之作志景仰  
 用意非獨耽烟蘿學比登山互鞭策工得居肆羣切劘連屋  
 之書拂雲樹詎讓山林人姓何我少失學老而悔誦芬詠烈  
 慚顏醜萬里題詩感離索夢入幼塾還嘉禾焉得雙翅奮闡  
 海游焉息焉安樂窩

野性

野性由來不受羈  
 雍韉拖帶與心違  
 北庭空挂南庭夢  
 今日

仍隨昨日非，雀角鼠牙偏我溷。  
猿驚雀怨有人譏，少陵堆案  
發狂叫老大真傷未拂衣。

人事二首

人事纏何了，天機洩已深。  
掃愁如掃葉，相獸益相尋。  
拚斫王郎劍，罷彈子賤琴。  
兒童本蠻語，却早變羌音。  
不防人已老，常算物難齊。  
鄉夢荒鷺脰，官情學馬蹏。  
幾來省心覺，忍過喜眉低。  
一霎風拖雨，晴霞照屋西。

余以亥月癸酉日亥時生酉為癸病而癸酉納音金又  
病於亥室乎一生多疾也

金音病亥月兼時干病重逢更莫知人歎飛龍徒骨出命如  
磨蠍與身隨肺神短甚愁三伏脾恙深來痿四支念念蹉跎  
到今日死而速朽更何疑

答塞兒

惜衣有衣穿惜人有人使羹爛婢手乎彼亦猶人子塞兒買  
三年曾未加鞭捶主人既恩養大衆亦善視不責便了約嬉  
游聽爾爾野性詎不馴兼不識羞恥探鷓毀其巢竊食染屐  
指新衣易故衣易輒撕表裏不肖洗手面蓬垢頰泥豕衆乃  
皆惡之煩言背相訾老農早壘桑老圃早擊李所以為矯輟  
勿使倔強起奈何主人寬釀惡至於此今若不扑教後無不  
為矣主乃領衆言呼兒罰使跪數而答其掌哭聲叫如鬼前  
非悉汝貸後效吾其俟吁嗟答塞兒出於不得已

有人贈夾竹桃一盆茂甚賦之

青分个个尖尖葉紅夾我我灼灼花多媚原非清挺格無香  
詎入品評家祇憐塞外羣芳晚聊慰尊前永日賒默念歲寒

難共保朱顏應對白頭嗟

擬自君之出矣二首有引

家樹園伯抱竒才而早世垂八十年今遺藁莫問也有擬古詩云琉璃作屏風分明隔一層二語播人口度自弱冠初學詩妄擬樂府數十首雖詞多誇曼亦間為前輩所許今但記得思君十字餘俱忘矣暇日輒借古題綴成二首辭曰

自君之出矣靡畫亦靡昏思君如木偶有口不能言

自君之出矣夢君喚不應琉璃作屏風分明隔一層

偶述

已嘆年流隨水逝重憐頭禿肖山童花飄便作無根草木墮  
寧師不倒翁老去留心三戒在貧來穩腳九思終桑榆收得  
將殘景萬事行雲付太空

再答塞兒

我持三尺寧輕下汝犯重科咎却深大戒原為小人福少喪  
偏送老夫心

不眠

不眠排悶強裁詩骨髓乾如燈盡時待寫百年辭世帖祇留  
三歲蓋棺期官同敝蓑真堪棄身類殘巢莫自支亟返南湖  
親卜塚雪心未可付癡兒

戲為俳諧體

蜂排衙蟻作市飛蛾撲燈蠅鑽紙不知有底忙蠢動乃如是  
浮生攘攘多所求曷不少休聊爾爾

長夏短詠

長夏無書可點筆空齋剩枕且投牀老妻誦佛燒香早童子

逃師鬥草忙，樵火然牕初日艷。  
榆陰率地晚，風涼尚嫌吏務。  
侵詩興，短詠仍偷短燭光。

贈內

一事羸潘岳，百年有益光。  
栽花晨夕共，舉案子孫將。  
葉餌煩扶我，桑麻若念鄉。  
可憐家信到，親串死生忙。

漫題

狂因老去逐年除，嬾自生前結習餘。  
作吏空懸三尺箠，投荒莫借一瓶書。  
人評合喚邊和尚，狗監休誇揚子虛。  
筆硯早焚強按字，山歌水調恥樵漁。

絕句

至人憂患以學易，奇士窮愁始著書。  
唧唧候蟲深夜訴，吟秋寫怨正如予。

題官奴帖有引

官奴帖世傳為右軍書誤也蓋唐太宗書耳帖云不令民知又云民為家長又云民惟歸誠待罪而已民者太宗自稱其名也末云下愧先生稱其人為先生則自稱名宜矣其云官奴小女玉潤者乃官奴之女名玉潤故後又云想官奴辭以配具是官奴別有書與其人道玉潤疾狀可知又按閣本載太宗二帖其一帖云不見奴表耶耶通忌欲怕死又云忽得奴手書憂懼一時頓解又云憶奴欲死其一帖道懷讓等疾狀云耶耶意多恐不濟又云奴報其婦知也所謂奴者度即官奴耶余向撰石渠記曾辨及此暇與依兒論書法題一絕示之

讀古人書要辨疑世間耳食竄堪嗤流傳一紙官奴帖李戴

張冠未可知

送依兒入都

勘歎居絕塞多病屬殘年况怯新秋別彌關少子憐山溝防  
困頓人海費周旋冬冷思郎罷歸來早整鞭

接家書作

萬金笑抵慰清秋展未終篇合兩眸舊管新收無數話寒來  
暑往一函愁身如殘燭迎風地官比枯萍貼水浮聞道米薪  
敵珠桂行藏何計獨憑樓

次靈邱顧少尹韻贈之

各自鷺鷥寄一枝壯衰羈絆更何之舉杯遙酌秋山色閣枕  
微吟夜雨時並類楚囚飄萬里相逢吳語感雙眉商量莫遂  
扁舟計清夢今宵落劍池

少尹  
吳人



初秋積雨奉檄度平刑關發丁至大營作

已甘長卧簡書催寧憚險途筋力頽  
滯潦縱橫人跡斷燒關  
偏仄馬鳴哀身隨秋暑消將盡心共  
晚陰撥不開深墨天容  
大荒野泥中蒲伏為何來

曉行沙河店

猶帶輕陰鵲噪空初晴天氣半乾風  
山遮烟裏糝糊綠日攔  
雲頭黯淡紅秋似江南寒食近人來  
冀北暮年窮塵清衣潔  
沙途坦差膝宵行坎窞中

繁峙道中

滹沱漲落水浮磯秋潦盈盈尚及扉  
平野苗疎畝短穗斷垣  
苔老長新衣卽看

恩澤從

天降也補救成要 國肥客路快晴人語樂茅檐燕子故飛

忻州道中

暑雨連秋雨橫流遂莫支長衢沉作港深淖爛如糜滑滑幽禽喚跋跋瘦馬疲原田幸無恙度慰老夫飢

過廢寺

圓鐘卧地石幢欹草長簷溝潦作池老樹腔空猶半活破門扇缺尚斜支一僧如病糧休日諸佛無顏金盡時當日經營煩匠作不知多少捨錢為

食糴

小店曉初張纍纍滿釜裝南蒸無白米北裹有黃梁甘受棗兒和清分蘆葉香殷勤村媪喚飽客一回嘗

北方無女與棗多以蘆葉裹蒸

思故人熊明府

明府善六壬課

吾識陵川舊宰賢并州客舍記談元臨民口吃何煩倭作吏  
心勞不愛錢名士抱才沉下邑達人知數久長年秋來誰更  
挑燈話細究陰陽顛倒顛

試院彌封所雜成六首兼柬內簾諸分校

前歲分司謄錄生今科更派管糊名事嚴跡秘程期迫官燭  
條條徹夜明

簾分內外棘分垣文武監臨體貌尊矮屋千間排雁序瞭臺

四角揖龍門

是科派武監臨以排  
鐘高之其例旋止

吟動風簷午夜低夜嚴人守到雞啼樓高畫角聲殺咽柵短  
紅燈點點齊

多設科條舊改新轉移執事亦勞人暗中摸索求非易沙裏

棟金辨要真

經有專門詩別才善持衡鑑出心裁但從牝牡驪黃外拔十  
猶能得五來

廣眉半額昔人嗤時世粧因習俗移休訝看朱成碧色此中  
尚有鬼神司

所中雨二首

瓦雨篩牀泥濺門坐眠何地把身存却將書法後今悟四壁  
條條屋漏痕

屋漏綿於更漏長滴殘書卷漬衣裳世間公道秦優少雨立  
誰憐控楯郎

所中移居四首

為因避雨捲殘書奴隸何妨併屋居蘆席幾張人枕藉拖泥

帶水熟眠初

糞土之牆爛草簷穴牖不見晝光添經年常閉經宵雨濕氣  
蒸蚊毒鬻尖

休嫌叢雜夢難安伸腳比於號舍寬屋打頭來雨噴面憐渠  
徹夜嘔心肝

一盤土炕同眠起廐卒與丁似輩行年老髯奴猶識禮黃糜  
熬熟勸先嘗

中秋日奉答同院王郡丞見和坐雨之作

誰料雲山隔雁門題襟鎖院興猶存未嫌黜黜今宵月新雨  
羽戩潤墨痕

秋風計短雨偏長莫剪荷衣製芰裳此夜五湖煙水夢一聲

菱唱聽漁郎

王居姑蘇  
漁郎橋

戲東同所官有引

余與粵之李明府同派彌封事年皆老矣目皆短於視相與  
推命皆甚耗財皆為人所累其愁窘畧相似也以我二人位  
置一處豈非數耶戲成能諧體六韻遺之

粵西人氏浙西郎共派彌封入外場衰老猶堪分職役荒疎  
幸免校文章為官都負尋常債較目難爭尺寸光小縣關南  
隔關北腐儒同術合同方譬諸草木無區別尊在風塵孰短  
長萬事安排前定數相逢一笑水萍椰

積雨輓轆轤體

五方燥濕元殊候山國非同澤國儕不料并門交白露竟如  
江介度黃梅濃施水墨長空滿淡映金波忽地埋秋刈須晴  
農盱切誰呼箕伯掃雲開

十八日喜晴

忽射牕楞一綫光，鳥聲喚起抖衣裳。  
碧翁放眼寬如許，白髮攪頭喜欲狂。  
客想遊山餐綠淨，人皆趨郭割雲忙。  
今宵未減清華月，且酌三盃逸興償。

出太原城作

秋陰鎖試院，有若籠中禽。  
告歲辭上官，出郭洗我心。  
旭照新宇鮮，颺流素襟行。  
行展清眸攬，纏微自吟老馬尋。  
舊途窮鳥歸故林，雖乏昂藏氣。  
免驚矰繳音，官程賒亦得。  
吏務暫未侵，偷閒俛仰間。  
魚脫深淵深，言旋代子國。  
遠憇壺山岑，山軒幸無恙。  
逍遙理我琴。

次半坡口號

原平驛路夕陽斜，千樹清陰夾道遮。  
雨過山山新出浴，晚風

無力起飛沙

題羊頭村店壁呈陳觀察公

公名學顏  
駐雁門

此地人傳羊舌居秋風古廟一踟躕  
拔梯推井渾閒事千載

長裘祁大夫

癸丑大計觀察  
曾以余名薦

頃途間聽輿人之談曰八月秋忙繡女下牀漫演為二

首俾于田者曳犂而歌焉

八月秋忙辛苦兒郎兒郎誰餉繡女下牀

八月秋忙繡女下牀下牀看天天未霜日出團團雞子黃關北

早寒每有八  
月霜害稼者

歸縣後偕同人快飲小方壺時九月初五秋社之次日

也

乍過秋分霜未寒連番雨後水彌寬來尋魚鳥都相識老厭

壺中自吟彙卷中

五



馳驅得暫安燕已辭巢先我去菊猶傲架待人看淡烟斜照  
一林葉早帶微黃意懶殘

不待登高送馬蹏趁秋陽迴晚風低免教孟客帽愁落好喚  
劉郎糕預題遮莫招邀來退谷未妨衰醜辱愚溪沉沉醉耳  
頻撾鼓扶下山階情小奚

山軒偶次韋蘇州幽居韻

世態約可知老懷靡所營尚有微官累未遂幽居情山軒幸  
休沐野趣日夕生晨魚唼草游晚鵲躡枝鳴水空閒自照堤  
長緩獨行吟罷左司向焉知富貴榮

讀唐人詩憶遊龍門作

河上有龍門天開非禹鑿禹鑿在豫州導使入洛至今斧  
劈痕鐵立兩崖削昔游三十年幽曠緬如昨有景道不得唐

賢當名作所愧清淨債長負山中諾老矣偶披吟恍然夢寐  
尋一綫微徑緣千龕峭壁臨山闕如天關星辰落我襟雲鐘  
發深省風泉清道心宛宛如讀畫重聆山水音始信真境語  
親歷知之淡

忻州汪刺史公脩其境內元遺山先生墓於草間獲斷

碑搨以見寄感賦長句

刺史行部春郊路路前有冢冢無樹石人石獸知何代縈烟  
結莽埋春霧下馬來尋斷碑露碑表七字孽窠書乃是詩人

元遺山之墓魏初姜或記碑陰先生遺命弟子注

碑陰云或與初嘗序先生教誨

又聞先生之言某身死之日不願有碑誌也墓頭樹三尺石書曰詩人元

遺山之墓足者或與初適按部河東許拜墓下因寫墓刻之時至元十九年不書官爵不題名

中原布衣了半生

題詩木要題名字今是中原一布衣遺山遭亂後句也百年風雅中州集一代

典章野史亭乾坤清氣最難得斯文自任誠非輕嗚呼龍蛇

爭鬪山河頽銅馬紙鷲成燼灰

用集中壬辰十二月即事詩語壬辰乃金哀宗天興元年十二月哀宗出奔河北踰年正月

濟河使白撒攻衛州敗績遂走歸德詩蓋記此一聯云只知河北歸銅馬又記金哀宗隆興萬蓋金白撒嘗敗於萬蓋置文書其上至蒙古嘗則斷之其語被詳者故云

虛名誤人生

百謗寫到蘇詩肝肺催官作中書褚淵活共諒江南庾信哀

遺山有人皆傳已厄我亦狀餘生之句乃活刺東坡語

刺史修舉職所專重扶墓碣樹墓田補以松

柏年蔭年我讀汴京亂後諸詩篇其聲幽咽情渺綿夢中青

山與黃葉愁裏殘陽更亂蟬杏園雙燕巢何處秋水鳴蛙命

可憐此身春草惟一醉此夜寒灰寧復燃詩人心事杜鵑血

獨恨無人作鄭箋

余嘗謂遺山論詩絕句中如望帝春心託杜鵑及未嘗淵明是魯人及可惜再列遺趙石等語又述次山一首又亂後元都一首皆顯然

自寓之詞近見方朴山詳云詩家總愛西溪好獨恨無人作蘇箋此二句是遺山自道其錯認是我蘇詩可謂先將我心

暮牕聞雁目送而送之

霜淒風晚櫓聲愁起揖賓鴻六度秋身似半竿殘日挂家如  
萬斛重舩浮新書缺寄宦沉海舊雨相思人倚樓汝去銜蘆



謁子錢來具勿酒誰憐元對瞰囊無

一官淪落片雲孤求友聲憐伐木呼萬里滇南應脈脈明州六  
年關外祇區區鳥爭枝動風敲玉魚拂萍開海吐珠乘興還  
來同醉雪要從寂寞討清娛

再登前韵二首

宛在中央碧玉壺坐來幽意渺江湖山家人賣消寒酒水郭  
天成避暑圖林暗雨中呼脫袴溪清沙底數姪隅試教子美  
評量價價比滄浪直得無

自得芳鄰賞不孤地偏聊爾避喧呼秋風祇攪萸鱸夢春渚  
忘歸稻蟹區狗祿老夫頭戴雪望雲游子眼懸珠蘇有老親天涯心  
事更誰訴訴與稚圭供笑娛

又次答顧少尹題吳妙軒二首

一簣居然庶讓閒空靈岑小易躋攀心依活水無塵滓目送  
閒雲自往還花暖春堤飛片片溪寒夜碾聽潺潺若為移得  
江鄉去不用將金別買山

鳥自高飛魚自潛古來吏隱笑誰兼詩非姚合愁難遣丹之  
葛翁病易添白髮催人駕歸楫青山待爾捲吟簾羊羔牛角  
堪同醉案上楞嚴不用拈

少尹近作云貧依月色頻移座愛樓嵐光自  
捲簾又有有餘功課誦楞嚴之句故及之

表弟錢大孝廉自都來

知爾長安居不易念余窮塞老堪憐菜羹舊味來同嚼土炕  
新泥待對眠聊可消寒如過夏未愁騎馬似乘船故鄉多少  
零星話宵漏將殘燭更燃

立冬前四日同人鄣氏樓對雪作

尋幽過北郭望遠失南山真色寒遮目霏花冷拂顏雲癡愁

不散風歌意俱閒浮蟻同人樂懸鵲念物艱身衰催短景才  
拙滯邊關幾度吟羌雪何時匹馬還

錢弟強余用東坡北臺詩韵勉成二首

違知早計來織織

塞外地寒無宿寧  
故翻用山谷句

秋夜簾櫳霜未嚴乍覺黃綿

身去襖已成白獸屋堆鹽愁雲淅淅閭張幕凍雀啾啾拳入

簷一桁南山埋沒盡更無卓筆塢兒尖

南山石  
塔兒頭

奈照頭顱髻改鴉何堪嚙雪脫牙車春醅幸撥清香酒寒菊

猶供冷淡花

是日郵  
氏時有

剡曲歸舟成昔夢

余去越二  
十年矣

灞橋覓句定誰家

祇今敲出艱難語韵澁才枯媿八叉

同作

海鹽

錢說曾

南白

窗破圓光透孔織夢回急鼓煞更嚴猶疑牀照關前月忽  
憶家飄海上鹽雖未經冬堪覆竹偏於作客故窺簷披裘

起坐寒侵曉挑盡殘缸豆燄尖

來登高閣擬塗鴉  
晶晶長空掩日車  
點髻暗愁侵  
艾色  
巡檐失笑訝梅花  
誰憐夜戶高眠客  
何處寒江獨釣家  
只恐尋詩驢背去  
蒼茫迷却路三叉

同作

聲依

髯蘇句好不傷纖  
敢以蛙吟鬥韻嚴  
攬景欲描江上畫  
拈詩難着水中鹽  
雲生漠漠全封峪  
風過紛紛急下簷  
絕帳臨池書謝賦  
蟾蜍滴凍折毫尖

羃盡千林失晚鴉  
尋幽何處命巾車  
吹襟寒透衣中絮  
落殘暖融酒面花  
圓入蹠痕歸犢路  
青分爨色野人家  
斷橋此日烟波裏  
定有吟船拄幔叉

賦得惜分陰

得陰字



無間前王德加嚴後學心勤宜添十倍刻乃抵千金析寸規  
圭影求分競線陰繩長難速繫九轉易低沉倏過磚痕淺頻  
催箭漏深休嗟虛牝擲莫挽隙駒駸殘晷膏湏續微光譬可

尋懷安真下士牢記晉賢箴

嘗按唐人詩律於調配雙聲疊韻亦未盡工編錄  
比湘靈鼓瑟一首字法不夾雜余素不善詩體因

課兒偶擬數首俚語如作首題語紙以簿書中  
急就篇中較前不暇細配深愧仲文也勉存之

### 冬日山軒聯句

潭清木落水烟收梓廬遠眺晴空坐轉幽南白割耳無風天息怒  
梓廬澆胸有酒客忘愁一行柳樹曠青眼南白幾顆蘆花擺白頭  
梓廬莫道炎涼殊物態閒沙淺渚故眠鷗聲依

### 賦得九九消寒圖

得來字

曉粧隨手抹一日一花推根按天消息枝分候往來花容排  
日染日課借花催均限重三各歸餘挂一纔陰祛陽用老數

滿氣全開果有因，非杏空無色。是梅人間尋歲籥，事韻演春臺。休視同兒戲，湏知造化該。

前題再賦

畫梅何用染九九，待春回借爾覘消息。有人妙化裁，胭脂分秀頰。冰雪奪寒胎，妝罷關心記。紅餘屈指推，乘除陽數滿。次第歲華開，節暖重三近。風輕百五催，却忘松作友。忽與杏成媒，一笑添雙燕。疑描院本來。

和作二首

聲依

巧拈脂粉筆，一日一花推。歲本梅為友，人將杏作媒。曉粧隨手抹，春色上牆來。倚玉生開面，成丹竟奪胎。老陽乘數盡，韶景隔年回。朶朶酒痕醉，番番風信催。蜂游過眼乍，燕至算期談。閒就消寒課，相將闢野纒。

畫梅何用染九九送寒回借手閒塗去將春細釵來脂分  
成杏頰暈上似桃顚按甲花餘閨週時蕊一開筭從奇數  
積候自復爻推日計停針久風和擱筆纔晴室粧戶啟暖  
想袂衣裁只恐枝頭開穿簾燕子猜

同作二首

錢說會

寒消何處見試看壁間梅五出花頻染三陽氣漸開筆如  
參造化難不落塵埃細數春將半渾忘臘早回暈微分笑  
頰暖暗上妝臺歲序圖中紀風光畫裏來素心知未變艷  
色動相猜記取吹葭候聊為一幅裁

圖本梅盈幅佳人巧意裁朝朝塗澤去朵朵換顏來冬至  
陽初起春分節漸催三三期各筭一日并推引暖更番  
到尋芳按候開早看舒柳眼少待破桃顚筆記曾呵凍花

今已轉胎罷粧休讀書索笑却生猜

賦得山意衝寒欲放梅得開字

梅信僂寒到山靈着意催氣衝巖戶出花放嶺枝纔天地心  
初見冰霜骨欲開未愁三白壑洵與一陽回凍益踈含乳幽  
香暗破胎驛邊尋夢去笛裏返魂來東閣應題句西湖好把  
盃此時兼憶遠江上幾徘徊

婦嘆

月過牆去人猶坐日滿牕來睡似泥虧煞催眠又催起丑雞  
曉與午雞啼

遺意

故人早盱挂冠回地僻民愚愁不才老境常眠蠶歌食壯心  
都滅蠟成灰醫來隔日商方慣吏責愆期嬾打催妻子咨嗟

問歸計一張驢券無錢該

賦得杼柚予懷得成字

一經加一緯杼柚運來成欲識文機妙都從意匠生  
搯持憑手熟組織貴心營布局舒還卷馳思縱復橫  
理平司契合神捷轉關爭扣入絲絲細音傳軋軋清  
天孫難與巧竇女獨知名奚借他人杼予襄得失明

賦得莊周夢蝴蝶得思字

想入非非境魂遊栩栩時荒唐聽說夢變幻迭生疑  
似歷輪迴道因通解脫思麻姑席外繞漆吏枕中奇  
物化飄無定人生蛟有期鹿遺何必訟魚樂鮮能知  
來去逢其適浮休總善斯穿花淡見處神動與天隨

同作得周字

聲依

休辨因和果誰分蝶與周黑甜鄉裏化金粉隊中游身訝  
穿花捷心迷拍翅浮黃梁幾時熟碧艸此間幽栩栩神方  
活蘧蘧夢轉悠不生原不滅何去亦何留世事皆蕉鹿入  
寰一窟樓逍遙齊萬物達者復奚求

賦得汲古得脩綆得脩字

學海淘來潛文淵索處幽操觚愁淺涉懸綆得深投藉手提  
其要因心獲所求波沿源可討網舉目全收墜尚尋遺緒微  
寧棄細流彼茲煩挹注左右擬旋抽桶脫原無碍瓶羸也足  
憂施功占繡井甃勉繼前修

同作

聲依

百家分派古譬汲百川流才短愁津送資深藉綆修祇因  
書契富轉待結繩求提要餘波及鉤元妙蘊抽觀瀾搵此

術學海極其游力可千鈞引功寧九仞投文成翻水捷智  
異挈瓶羞不見昌黎老驅濤入筆道

賦得夜雨滴空階得深字

乙夜初傾耳丁冬漸滴心閒庭無長物隔檻有餘音亂異芭  
蕉打斜非薜荔侵樹聲偏窸窣蟲響亦陰陰花落知多少更  
荒失淺深厭來愁石泐淒處想鈴淋夢破將殘燭肩寒獨擁  
衾懷人新舊伴絕域一沉吟

賦得水澤腹堅得堅字

水弱幾何力偏如鐵石然坎靈中自滿坤象腹斯堅氣閉疑  
三白精藏孕九淵胎存益固離裏厚相連月姊捫來實風  
姨鼓處圓江心全似鏡渡口更無船坦欲迎春日皤看舞水  
仙休教伐冰者鑿破箇中元

宿西平村其日途次寒甚

過得膏車嶺投村猶幸生

嶺在村東

將冰鬚落手吹玉唾成聲土鏗

爭圍火沙盆遞屢羹與丁三五輩草草宿西平